

MALAYSIA
DEWAN NEGARA
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 5 APRIL 2023, PUKUL 10.00 PAGI

Bil. 11

PERTANYAAN-PERTANYAAN BAGI JAWAB LISAN

1. PN-1521-L08539
Datuk John Ambrose minta **MENTERI SUMBER MANUSIA** menyatakan berapakah jumlah pengangguran terkini dan apakah rancangan Kementerian dalam menangani masalah pengangguran rakyat Malaysia khususnya daripada golongan muda yang semakin meningkat akibat pandemik COVID-19.

2. PN-1521-L08588
Datuk (Dr.) Ras Adiba Mohd Radzi minta **MENTERI PENDIDIKAN** menyatakan apakah status semasa pelaksanaan dasar 'Zero Reject Policy' oleh Kementerian serta apakah inisiatif yang akan diperkenalkan oleh KPM tahun 2023 bagi meningkatkan kualiti pendidikan inklusif dan kesejahteraan Murid Berkeperluan Khas (MBK).

3. PN-1521-L08445
Dato Dr. Nuing Jeluing minta **MENTERI PEMBANGUNAN KERAJAAN TEMPATAN** menyatakan apakah rancangan untuk membina rumah rakyat di seluruh negara dengan butiran setiap projek di setiap negeri di Semenanjung Malaysia, Sarawak dan Sabah.

4. PN-1521-L08627
Datuk Dr. Dominic Lau Hoe Chai minta **MENTERI PEMBANGUNAN WANITA, KELUARGA DAN MASYARAKAT** menyatakan apakah tindakan Kementerian bagi menghadapi penurunan kadar kelahiran yang kurang memuaskan kebelakangan ini.

5. PN-1521-L08884
Tuan Ak Nan A/L Ehtook minta **MENTERI KERJA RAYA** menyatakan apakah kemajuan terkini 'Multi Lane Free Flow' (MLFF) yang dikatakan bakal menyelesaikan semua masalah di plaza tol. Apakah faedah lain MLFF dan adakah MLFF ini akan membolehkan pengguna lebuhraya menggunakan platform bayaran yang lain selain Touch 'n Go.
6. PN-1521-L08855
Tuan Robert Lau Hui Yew minta **MENTERI SUMBER MANUSIA** menyatakan apakah rancangan Kerajaan dalam memperkasakan tenaga kerja negara kita, terutamanya untuk melahirkan tenaga kerja berkemahiran tinggi yang secukupnya demi menjamin daya saing pekerja dalam era kecerdasan buatan, terutamanya ChatGPT.
7. PN-1521-L08616
Datuk Bobbey Bin Suan minta **MENTERI KOMUNIKASI DAN DIGITAL** menyatakan apakah perincian mengenai jalur lebar, kapasiti, redundansi dan titik terminasi atau 'termination point' bagi pautan rangkaian internet di antara Semenanjung Malaysia dan Sarawak.
8. PN-1521-L08739
Datin Ros Suryati binti Alang minta **MENTERI KEMAJUAN DESA DAN WILAYAH** menyatakan sejauh manakah keberkesanan Skim Pembiayaan Perniagaan Khas Wanita (DanaNITA) dalam membantu kelangsungan perniagaan golongan wanita.
9. PN-1521-L08724
Datuk Teo Eng Tee @ Teo Kok Chee minta **MENTERI PERTAHANAN** menyatakan apakah perkembangan terbaru bagi projek pembinaan Kapal Tempur Pesisir Pantai (LCS) dan apakah tindakan mahkamah yang telah atau akan diambil dalam projek LCS ini di mana projek belum siap sepenuhnya tetapi bayaran dibuat tanpa pengetahuan pihak Kementerian.
10. PN-1521-L08760
Datuk Noraini Idris minta **MENTERI PERTANIAN DAN KETERJAMINAN MAKANAN** menyatakan sejauh manakah tahap kemapanan bekalan beras tempatan menjelang tahun 2025 bagi menampung keperluan di seluruh negara dengan mengambil kira kebarangkalian berlakunya kegawatan ekonomi global yang boleh mengundang kepada sekatan eksport beras oleh negara-negara luar ke negara ini.

11. PN-1521-L08924
Dato' Ahmad bin Dato' Sri Hj Ibrahim minta **PERDANA MENTERI** menyatakan tindakan dan usaha Kerajaan untuk menguar-uarkan konsep Malaysia Madani sepertimana konsep-konsep sebelumnya supaya ada kesinambungan keterbukaan antara Kerajaan dan rakyat dalam membina masyarakat yang berilmiah dan bertamadun.
12. PN-1521-L08768
Dato' Arman Azha bin Abu Hanifah minta **MENTERI PELANCONGAN, SENI DAN BUDAYA** menyatakan apakah tindakan Kementerian dalam membantu pengusaha pusat peranginan di pulau-pulau yang terpaksa menutup perniagaan lebih daripada 3 bulan akibat musim tengkujuh.
13. PN-1521-L08983
Tuan Jaziri Alkaf Abdillah Suffian minta **MENTERI PERDAGANGAN ANTARABANGSA DAN INDUSTRI** menyatakan apakah usaha Kerajaan untuk menggalakkan perdagangan sempadan atau 'border trade' khususnya antara Sarawak dan Kalimantan yang boleh merancakkan ekonomi tempatan berikutan pemindahan ibu negara baharu Indonesia Nusantara dan limpahan daripada pemindahan ini dapat memakmurkan dan memajukan Sarawak sekali gus menyumbang pertumbuhan ekonomi Malaysia.
14. PN-1521-L08520
Puan Susan Chemerai Anding minta **MENTERI PERLADANGAN DAN KOMODITI** menyatakan bagaimanakah keadaan semasa pendapatan dan taraf kehidupan pekebun lada berskala kecil di Malaysia dan apakah strategi-strategi yang dilaksanakan untuk menambah baik keadaan ekonomi mereka.
15. PN-1521-L08642
Dato' Haji Husain bin Awang minta **MENTERI KERJA RAYA** menyatakan apakah usaha-usaha yang dilakukan oleh pihak Kementerian dalam merancakkan semula industri pembinaan negara berikutan kos bahan binaan semakin tinggi.
16. PN-1521-L08460
Dato' Ajis bin Sitin minta **MENTERI PERTANIAN DAN KETERJAMINAN MAKANAN** menyatakan apakah terdapat usaha-usaha untuk mewujudkan Penanaman Padi Huma kepada masyarakat Orang Asli di negara ini memandangkan aktiviti ini begitu rancak dipromosikan di Sabah dan Sarawak.

17. PN-1521-L08431
Datuk Razali bin Idris minta **MENTERI PERDAGANGAN ANTARABANGSA DAN INDUSTRI** menyatakan berapakah jumlah serta senaraikan pelabur asing mengikut kategori bidang pelaburan yang masuk ke Malaysia pasca COVID-19.
18. PN-1521-L08556
Dato' Sri Ti Lian Ker minta **MENTERI BELIA DAN SUKAN** menyatakan status terkini pelaksanaan Pelan Induk Industri Sukan Malaysia dan apakah terdapat pemurnian terhadap perancangan pelan tersebut bagi meningkatkan mutu industri sukan di Malaysia.
19. PN-1521-L08856
Dato' Haji Jefridin bin Haji Atan minta **MENTERI PEMBANGUNAN WANITA, KELUARGA DAN MASYARAKAT** menyatakan berapakah statistik terkini taman asuhan kanak-kanak (TASKA) dan pusat jagaan yang dikenakan tindakan kerana beroperasi tanpa lesen dan apakah bentuk pemantauan yang dilakukan dalam mengenal pasti TASKA atau pusat jagaan yang memperdayakan ibu bapa dengan menyatakan mereka telah memohon lesen tetapi masih beroperasi tanpa lesen.
20. PN-1521-L08817
Dato' Juhanis binti Abd Aziz minta **MENTERI PEMBANGUNAN USAHAWAN DAN KOPERASI** menyatakan apakah usaha Kementerian untuk membantu dan menggalakkan golongan suri rumah memulakan perniagaan dalam talian dari rumah bagi membantu meningkatkan pendapatan keluarga.
21. PN-1521-L08608
Datuk Bobbey Bin Suan minta **PERDANA MENTERI** menyatakan apakah langkah-langkah dan tindakan drastik yang telah diambil oleh Kerajaan untuk memantau 92 projek sakit di seluruh negara dan kesan projek sakit ini terhadap pembangunan negara.
22. PN-1521-L08631
Datuk Dr. Dominic Lau Hoe Chai minta **MENTERI KESIHATAN** menyatakan apakah perkembangan penyelidikan dan pembangunan yang berkaitan dengan kesihatan mental di Malaysia.
23. PN-1521-L08976
Dato' Sri Vell Paari a/l Tun Samy Vellu minta **MENTERI PENGANGKUTAN** menyatakan sama ada terdapat undang-undang yang mengawal selia penjualan tiket penerbangan oleh syarikat-syarikat penerbangan terutamanya yang berdaftar di Malaysia.

24. PN-1521-L08837

Tuan Robert Lau Hui Yew minta **MENTERI PERDAGANGAN ANTARABANGSA DAN INDUSTRI** menyatakan apakah status pembangunan alat kenderaan pelepasan sifar seperti kenderaan elektrik jenama tempatan serta kenderaan hidrogen dan juga menambahkan serta memperkenalkan teknik pembuatan yang meminimumkan pengeluaran bahan toksik oleh kilang-kilang pembuatan.

25. PN-1521-L08405

Datuk Seri Hajah Zurainah binti Musa minta **MENTERI SAINS, TEKNOLOGI DAN INOVASI** menyatakan apakah inisiatif yang sedia ada atau sedang dirancang oleh Kerajaan untuk memastikan pengeluar teknologi Malaysia mendapat peluang (perolehan di pasaran domestik) bagi membolehkan teknologi mereka dikembangkan di pasaran tempatan seterusnya meningkatkan keyakinan untuk dijual di pasaran luar negara.

26. PN-1521-L08785

Tan Sri Haji Mohamad Fatmi bin Che Salleh minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah perkembangan mengenai prestasi terkini perkhidmatan bekalan air di bawah Air Kelantan Sdn. Bhd. (AKSB) yang dikawal selia oleh Suruhanjaya Perkhidmatan Air Negara.

27. PN-1521-L08546

Dato' Kesavadas a/l A.Achyuthan Nair minta **MENTERI SUMBER MANUSIA** menyatakan apakah langkah-langkah persediaan yang sedang dipersiapkan bagi menghadapi kebarangkalian berlakunya pengecutan industri akibat krisis ekonomi global yang akan turut mengakibatkan pembuangan pekerja tempatan yang sudah tentu mengundang impak negatif kepada peningkatan kadar pengangguran nasional.

28. PN-1521-L08564

Dato' Sri Ti Lian Ker minta **MENTERI DALAM NEGERI** menyatakan apakah usaha-usaha terkini pihak Kementerian bagi mengekang sindiket pemerdagangan manusia yang melibatkan rakyat Malaysia di luar negara seperti yang berlaku baru-baru ini di Myawaddy, Myanmar.

29. PN-1521-L08662
Prof. Tan Sri Datuk Dr. Hj. Mohamed Haniffa bin Hj. Abdullah minta **MENTERI PENDIDIKAN TINGGI** menyatakan bagaimanakah pemantauan tahap keselamatan pelajar-pelajar Malaysia di luar negara sekiranya berlaku insiden-insiden yang mengancam tahap keselamatan pelajar kita sebagai contoh insiden tembakan yang berlaku di Michigan, Amerika Syarikat baru-baru ini.
30. PN-1521-L08997
Datuk Paul Igai minta **MENTERI PERDAGANGAN ANTARABANGSA DAN INDUSTRI** menyatakan adakah impak peperangan Rusia-Ukraine memberi kesan buruk kepada ekonomi negara dan apakah langkah yang diambil oleh Kerajaan bagi mengatasi masalah tersebut.
31. PN-1521-L08652
Dato' Haji Husain bin Awang minta **MENTERI PERPADUAN NEGARA** menyatakan sejauh manakah usaha bagi memupuk perpaduan pelbagai kaum dalam bentuk program atau aktiviti telah berjaya mencapai objektifnya pada setakat ini.
32. PN-1521-L08475
Dato' Dr. Ahmad Azam bin Hamzah minta **MENTERI SUMBER MANUSIA** menyatakan bagaimanakah nasib 197,400 graduan lepasan ijazah yang masih ditakrifkan sebagai penganggur kerana masih belum mendapat pekerjaan setara kelulusan mereka dan apakah tindakan Kementerian dalam menangani masalah ini.
33. PN-1521-L08796
Tuan Sr. Haji Mohd Apani bin Mohamad minta **MENTERI KEWANGAN** menyatakan apakah langkah yang diambil oleh Kerajaan untuk menstabilkan mata wang Ringgit Malaysia berbanding Dolar Amerika.
34. PN-1521-L08704
Tuan Balasubramaniam a/l Nachiappan minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan adakah pihak Kementerian berhasrat menyelaraskan harga tiket di zoo terutama Zoo Negara yang mana harga tiketnya terlampau tinggi kepada orang awam khususnya golongan berpendapatan rendah.

35. PN-1521-L08576

Tuan Haji Aziz bin Ariffin minta **MENTERI KESIHATAN** menyatakan apakah perancangan pihak Kementerian untuk memastikan jumlah para doktor, pembantu perubatan dan jururawat terus mencukupi di setiap klinik dan hospital milik Kerajaan serta apakah langkah persediaan yang diambil oleh pihak Kementerian sekiranya berlaku sebarang perkara luar jangka seperti mana pandemik COVID-19 yang menggemparkan seluruh dunia.

36. PN-1521-L08872

Datuk Lim Pay Hen minta **MENTERI DALAM NEGERI** menyatakan apakah pendirian Kementerian ke atas tuduhan oleh seorang penyiasat hak asasi manusia (warganegara luar) bahawa Syarikat Kawalan Keselamatan di Malaysia yang dikendalikan oleh bekas-bekas tentera, polis atau penguat kuasa mempunyai 'political-linked and who act with almost total impunity' dan memperoleh keuntungan luar biasa dengan mengeksploitasi pekerja bukan warganegara daripada negara Nepal.

37. PN-1521-L08416

Datuk Mohd Hisamudin bin Yahaya minta **PERDANA MENTERI** menyatakan berapa jumlah keseluruhan rumah yang terlibat dengan isu pengambilan tanah Rumah Teres dan Flat Sungai Baru di Kampung Baru dan berapakah jumlah pemilik rumah yang tidak bersetuju untuk berpindah.

38. PN-1521-L08700

Dr. Wan Martina binti Wan Yusoff minta **MENTERI KESIHATAN** menyatakan berapa jumlah klinik swasta yang telah dilantik untuk pelaksanaan Program PEKA B40 di Kelantan dan adakah jumlah itu mencukupi untuk memastikan semua rakyat Kelantan yang layak mendapat akses kepada perkhidmatan tersebut.

39. PN-1521-L08420

Datuk Mohd Hisamudin bin Yahaya minta **MENTERI BELIA DAN SUKAN** menyatakan apakah usaha-usaha Kementerian bagi memastikan atlet-atlet negara dalam kontinjen negara bersiap sedia untuk menghadapi Sukan Olimpik 2024 Paris dan berapakah sasaran pungutan pingat emas, perak dan gangsa bagi kontinjen negara pada Sukan Olimpik kali ini.

40. PN-1521-L08502

Datuk Wira Koh Nai Kwong minta **MENTERI PENDIDIKAN TINGGI** menyatakan sama ada Kementerian berhasrat untuk meneruskan perancangan menubuhkan universiti khas untuk wanita seperti yang telah dinyatakan oleh mantan Menteri sebelum ini dan apa usaha akan dilaksanakan selepas ini.

41. PN-1521-L08969
Tuan Jaziri Alkaf Abdillah Suffian minta **MENTERI PERDAGANGAN ANTARABANGSA DAN INDUSTRI** menyatakan apakah usaha yang dilakukan bagi menarik pelaburan FDI ke Malaysia yang lebih agresif memandangkan pertumbuhan GDP ASEAN dijangka akan mencecah USD5 bilion supaya Malaysia dilihat sebagai destinasi utama pelaburan di rantau ini.
42. PN-1521-L08514
Puan Susan Chemerai Anding minta **MENTERI KEMAJUAN DESA DAN WILAYAH** menyatakan apakah cabaran utama yang dihadapi oleh komuniti luar bandar dan bagaimanakah cabaran ini memberi kesan kepada usaha membangunkan luar bandar di Malaysia.
43. PN-1521-L08684
Dr. Wan Martina binti Wan Yusoff minta **MENTERI BELIA DAN SUKAN** menyatakan apakah tindakan Kerajaan terhadap fenomena penghijrahan anak muda dari kampung ke bandar mutakhir ini ekoran daripada tekanan aktiviti ekonomi luar bandar yang tidak mendapat tempat sewajarnya berbanding industri di bandar- bandar dalam kerangka Revolusi Industri 4.0 (IR 4.0).
44. PN-1521-L08396
Datuk Seri Hajah Zurainah binti Musa minta **MENTERI KESIHATAN** menyatakan untuk memperjelaskan notis yang diberikan kepada staf kesihatan (seperti doktor, jururawat dan sebagainya) apabila menerima arahan pertukaran/pemindahan jawatan ke negeri lain dan adakah benar waktu yang diberikan adalah terlalu singkat.
45. PN-1521-L08433
Datuk Razali bin Idris minta **MENTERI PERPADUAN NEGARA** menyatakan apakah pelan tindakan kesungguhan Kementerian menyeru rakyat Malaysia yang berbilang bangsa dan agama supaya bersifat damai, mengajak kepada perpaduan dan kesejahteraan.
46. PN-1521-L08563
Dato' Kesavadas a/l A.Achyuthan Nair minta **MENTERI DALAM NEGERI** menyatakan apakah aspek-aspek kawalan sempadan yang sedang difokuskan bagi menyekat kegiatan penyeludupan pendatang asing tanpa izin (PATI) menerusi sempadan-sempadan negara terutamanya yang melibatkan pemerdagangan manusia bagi tujuan manipulasi buruh.

47. PN-1521-L08484

Dato' Dr. Ahmad Azam bin Hamzah minta **MENTERI PENDIDIKAN** menyatakan adakah jangka masa tertentu diperlukan untuk memperbaiki sekolah-sekolah daif, terutama di Sabah dan Sarawak kerana telah mengambil masa yang terlalu lama untuk diambil tindakan.

48. PN-1521-L08464

Dato Dr. Nuing Jeluing minta **MENTERI PERTANIAN DAN KETERJAMINAN MAKANAN** menyatakan apakah langkah-langkah yang diambil untuk memastikan bekalan makanan ruji seperti beras mencukupi.

49. PN-1521-L08904

Dato' Dr. Nelson a/l Renganathan minta **MENTERI PENDIDIKAN TINGGI** menyatakan mengapakah seorang graduan tamat diploma di Malaysia memerlukan masa dua tahun untuk melanjutkan pelajaran ke tahap ijazah, sedangkan di United Kingdom hanya memerlukan masa satu tahun sahaja. Apakah perbezaan sistem diploma antara dua negara ini.

50. PN-1521-L08717

Tuan Balasubramaniam a/l Nachiappan minta **MENTERI KOMUNIKASI DAN DIGITAL** menyatakan berapakah statistik pengguna terkini Tik Tok, Facebook dan Twitter yang disekat akaunnya dan apakah pendirian Kerajaan berkenaan hak bersuara demokrasi rakyat khususnya penyokong Perikatan Nasional semakin disekat kini.

51. PN-1521-L08813

Tuan Sr. Haji Mohd Apandi bin Mohamad minta **MENTERI PENGANGKUTAN** menyatakan berapakah kos yang dibelanjakan untuk pertukaran nama KLIA dan KLIA 2 kepada KLIA Terminal 1 dan KLIA Terminal 2.

52. PN-1521-L08544

Datuk John Ambrose minta **MENTERI SUMBER MANUSIA** menyatakan apakah langkah yang diambil oleh Kementerian untuk memudahkan rakyat mendapat perkhidmatan pembantu rumah memandangkan kos yang semakin meningkat dan sejauh manakah sekatan terhadap pembantu rumah warga asing masih diteruskan.

53. PN-1521-L08776

Datuk Noraini Idris minta **MENTERI KESIHATAN** menyatakan apakah tindakan yang telah dilaksanakan bagi mengurangkan jurang kerugian yang terpaksa ditanggung oleh Kerajaan akibat lebihan perolehan vaksin COVID-19 pelbagai jenama yang sudah dikenal pasti melewati tarikh luput penggunaan.

54. PN-1521-L08734

Datuk Teo Eng Tee @ Teo Kok Chee minta **MENTERI PELANCONGAN, SENI DAN BUDAYA** menyatakan apakah rancangan yang diambil oleh Kerajaan untuk menarik lebih ramai pelancong melawat ke Malaysia.

55. PN-1521-L08862

Dato' Haji Jefridin bin Haji Atan minta **MENTERI LUAR NEGERI** menyatakan apakah tahap keupayaan Kerajaan untuk mengesan mangsa sindiket penipuan pekerjaan yang masih terperangkap di negara seperti Thailand, Laos dan Myanmar serta apakah penyelesaian secara diplomatik yang dilaksanakan dengan negara terbabit untuk menyelamatkan mangsa.

56. PN-1521-L08597

Datuk (Dr.) Ras Adiba Mohd Radzi minta **MENTERI SUMBER MANUSIA** menyatakan berapakah jumlah OKU yang telah mendapat manfaat menerusi program Penjana Kerjaya, Hire Malaysia dan sebagainya serta nyatakan peruntukan secara terperinci yang digunakan bagi pengambilan OKU dalam sektor pekerjaan daripada program-program ini.

57. PN-1521-L08779

Datin Ros Suryati binti Alang minta **MENTERI KESIHATAN** menyatakan sejauh manakah perbincangan yang diadakan di antara Kementerian dan Jabatan Perkhidmatan Awam mengenai isu penambahbaikan jawatan untuk doktor dan jururawat yang masih tidak teratur dan tidak memberi laluan kerjaya kepada kakitangan.

ATURAN URUSAN MESYUARAT DAN USUL-USUL

1. (D.R. 2/2023) Rang Undang-undang Perbekalan 2023 – **Menyambung semula Perbahasan atas masalah “Bahawa Rang Undang-undang ini dibacakan kali yang kedua sekarang”.**

(4 April 2023)

[Menteri Kewangan]

2. (D.R. 13/2023) Rang Undang-undang Kesalahan-Kesalahan Seksual Terhadap Kanak-Kanak (Pindaan) 2023 **Bacaan Kali Yang Kedua**

[Perdana Menteri]

3. (D.R. 14/2023) Rang Undang-undang Keterangan Saksi Kanak-Kanak (Pindaan) 2023 **Bacaan Kali Yang Kedua**

[Perdana Menteri]

4. (D.R. 5/2023) Rang Undang-undang Kanun Keseksaan (Pindaan) 2023 **Bacaan Kali Yang Kedua**

[Perdana Menteri]

5. (D.R. 6/2023) Rang Undang-undang Kanun Tatacara Jenayah (Pindaan) 2023 **Bacaan Kali Yang Kedua**

[Perdana Menteri]

6. (D.R. 12/2023) Rang Undang-undang Perbekalan Tambahan (2022) 2023 **Bacaan Kali Yang Kedua**

[Menteri Kewangan]

7. (D.R. 4/2023) Rang Undang-undang Kewangan 2023 **Bacaan Kali Yang Kedua**

[Menteri Kewangan]

8. (D.R. 3/2023) Rang Undang-undang Levi Keuntungan Luar Biasa (Pengesahan) 2023 **Bacaan Kali Yang Kedua**

[Menteri Kewangan]

9. (D.R. 7/2023) Rang Undang-undang Pemansuhan Hukuman Mati Mandatori 2023 **Bacaan Kali Yang Kedua**

[Perdana Menteri]

10. (D.R. 8/2023) Rang Undang-undang Semakan Hukuman Mati dan Pemenjaraan Sepanjang Hayat (Bidang Kuasa Sementara Mahkamah Persekutuan) 2023 **Bacaan Kali Yang Kedua**

[Perdana Menteri]

11. (D.R. 9/2023) Rang Undang-undang Pengangkutan Jalan (Pindaan) 2023 **Bacaan Kali Yang Kedua**

[Menteri Pengangkutan]

12. (D.R. 10/2023) Rang Undang-undang Pengangkutan Awam Darat (Pindaan) 2023 **Bacaan Kali Yang Kedua**

[Menteri Pengangkutan]

13. (D.R. 11/2023) Rang Undang-undang Lembaga Pelesenan Kenderaan Perdagangan (Pindaan) 2023 **Bacaan Kali Yang Kedua**

[Menteri Pengangkutan]